



# ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие  
МАРТОНЬ  
9-це чи  
28 (1324) №

ЛИСИ: 11-це ие,  
12 № ковс

## ШУМБРА УЛЕЗЕ ТЕЙТЕРЬ-АВАНЬ МЕЖДУНАРОДНОЙ КОММУНИСТИЧЕСКОЙ ЧИСЬ!

### Советской тейтерь-аватненъ праздник

Покш радость марто вастызь минек масторонь тейтерь-аватне эсест праздникест—тейтерь-авань Международной Коммунистической чинть, кона ютавнени минек масторонть прок массовой политической кампания ды невтни СССР-нь трудящатненъ капиталистической рабстванть алдо менсямонть всемирно-исторической значениязо, советской оля тейтерь-аванть ды капиталистической мастортнэсэ угнетенной тейтерь-аванть положениаст ютксо пек покш разничанть.

Большевистской партиясь весе эсь историянзо перть эзь явно тейтерь-авань раскрепощениянь проблеманть рабочей классонь общей задачатненъ эйстэ, коммунизмань торжестванть кис сонзэ бороцямонть эйстэ. Большевиктненъ партиясь васенцеке невтизе, што тейтерь-аванть туртов олячинь добовамось может ансяк теевеме социалистической революциянь ютавтозь.

Сэпей ды радостеме ульнесь тейтерь-аватненъ эрямост царской Россиясонть. Кавксоньгемень процент аватненъ эйстэ, конат сивелекшнесть роботамо, лововсть прислугакс фабрикантонь ды чиновникенъ кедьсэ, батрачкакс ды поденщицакс помещикенъ ды кулаконъ кедьсэ. Сынт арасельть мейыгак праваст ды кашт молезь должны ульнесть кирдемс эрва кодамо унижениянть ды покордамонть. Седе ламотне сынт эйстэ эзть тонавтне ды ульнесть сёрмас а содычат.

Великой Октябрьской Социалистической революциясь пингедэ пингес олякстомтынзе Россиянь трудия тейтерь-аватненъ бесправиянь цептненъ эйтэ, сыргозтинзе трудия народонь миллион тейтертненъ активной, сознательной общественной эрямонть. Сын покш эскелкэ тейст эсест культурной развитисост, кармасть улеме од социалистической обществань истят жо активной строителке, кодат цёратне.

Советской властенъ иетненъ перть большевистской партиясь кастась тейтерь-авань замечательной кадрат—социалистической обществань труженикат, конат честнасто ды самоотверженнасто роботыть фабрикасо ды заводсо, колхозсо, совхозсо ды учреждениясо.

ВКП(б)-нь XVII це съездсэнь Сталин ялгась кортасть:

«Тейтерь-аватне составляют минек масторонь населениянть пельксэнзэ, сынъ составляють трудонь пек покш армия, ды сынъ тердезь воспитывать минек эйкакштненъ, минек будущей поколениянть, лиякс мереме минек будущиностень... Вана мекс минь должны приветствовать трудия тейтерь-аватненъ активностень ды руководящей постнэс сынт выдвиганиянть, кода минек культурностень касоманзо несомненной признаконть».

Тейтерь-авась минек масторсо роботы коммунизмань строямонь эрва участкасо. Сон—инженер, агроном, летчик, конструктор, учитель, колхозной производствань передовик, заводонь, фабрикань стахановка.


Образованиянъ получамонть коряс келей праватненъ пингстэ советской тейтерь-аватне получить эрявикс знания ды бойкасто овладають сехте сложной специальностнесэ. Кемень иетненъ перть, 1928 иестэнь сазь 1938 иенть самс, высшей учебной заведения тнесэ тейтерь-аватненъ удельной весэс кайсэ 28,1 процентстэ 43,1 проценте ды техникумтнесэ 37,6 процентстэ 51,6 проценте. Аноктазь цела армия специалистт-тейтерь-ават, конат роботыть ней народной хозяйствань ды культурань весе отраслятнева. Тейтерь-аватненъ инженернтненъ ды техниктненъ количествась уш 1939 иестэ ульнесь 100 тыщадэ ламо ды эрва чи яла касы. Врачтненъ ютксо тейтерь-аватненъ процентэс 1939 иестэ ульнесь 65,5 процент. Учителытненъ ютксо 1940 иестэ сынт процентэс ульнесь 62,2. Научной роботниктненъ ютксо уш 1940 иенть ушодовомантень ульнесть тейтерь-аватне 37,2 процент (1927 иестэ жо ульнесть весемезэ 22,8 проц.).

Советской строесь воспитал тейтерь-авань од тип—од, сталинской эпохань ломань. Певтене патриотизма ды преданность эсь аватненъ-родинантень, коммунизмань великой теветненъ—вана мезе васняк характерной советской тейтерь-аватненъ.

Родивантень, большевистской партиянтень ды великой Сталинэнь вечкемась воодушевлял минек бесстрашной тейтерь-аватненъ-военврачтненъ ды медсестратненъ финской ды лия фронтнэсэ турема шкасто подвигтнес, конат толонь пачк, пулянь пиземень пачк мольтэ раянзэ боецтненъ лесксэнь максомо; сон воодушевлял минек масторонь летчицатненъ, свекловодтненъ, роботницатненъ ды лия теусэ роботыть тейтерь-аватненъ родинанть слаvas од подвигтненъ, те шкас а марсевиче успехтненъ.

Тейтерь-авань Международной Коммунистической чинть тедиде васенцеде олясто кармить праздновамо минек семияс совазь Латвиянь, Литвань, Эстониянь, Молдавиянь ды Карело-Финской ССР-нь тейтерь-аватне, конат ламо иень перть муцявсть капиталистической рабстванть ало.

Советской тейтерь-аватне икелепелев еще седеяк кеместэ пурнавить большевистской партиянь перька, вечкевикс вождень, учителень ды тетянтэ Сталин ялганть перька.



Ковылкинской районь «Коммунар» колхозонь махороводческой бригадань звеньевосэ Е. А. Пиньтяшина.  
Пиньтяшина ялгась казезь велень хозяйствань Всесоюзной выставкань Сиань вишкине медальсэ.  
Фотось Ю. Володинэнь.

### РАДОСТНОЙ ЧИ

Течи—авань Международной коммунистической чи.

Советской масторонь аватне те чинть вастыть коммунистической обществанть строямонзо кис бороцямосонть од победатнесэ, достижениятнесэ, мобилизовить виест социалистической строительства од задачатненъ топавтомантень, XVIII-це Всесоюзной партконференциянь решениятненъ топавтомантень.

Сталинской Конституциясонть сёрмадозь праватне, конатненъ аватненъ максынзе Великой Октябрьской социалистической революциясь. «Авантень СССР-сэ максовить цёранть марто вейкет прават хозяйственной, государственной, культурной ды общественно-политической эрямонь весе областнесэ».

Арась хозяйствань ды культурань истямо отрасля, косо бу авольть робота ават.

Ансяк сталинской пятилеткатненъ иетнестэ СССР-сэ аватненъ-роботницатненъ ды служащйтненъ числась кассь колмо раздо ламоксть. 1940 иестэ эйстэст ульнесть уш 38,4 процент весе рабочейтнестэ ды служащйтнестэ.

Колхозной строенть победанзо марто кепедесь активной творческой эрямос авась-крестьянкась. Миллион колхозницатне эсь честной трудосот завоевали советской велесэнь пек покш авторитет.

Сталинской Конституциянь коряс СССР-нь Верховной Советнэс ды союзной ды автономной республикатненъ Верховной Советнэс кочказь 1.650 ломанде ламо депутатт-ават. Малав пель миллион ава—местной Советнэнь депутат.

Советской аватне—роботницатне, колхозницатне, инженернтне, врачтне, на-

учной роботниктне активностэ бороцить эсест великой социалистической родинанть седе тов процветаниянзо кис.

Стахановской движениянть виевгавтомасо, ламостаночной обслуживания ютамосонть ды професиятненъ совмещениясонть инициаторокс сеетстэ эрсить аватне. Покш успех марто аватне овладають кода эйстэст мерить цёрань професиятнесэ. Ансяк МТС-тнэсэ ютазь иестэнь роботасть зарья кеметь тыщат ават-комбайнеркат, трактористкат, механикт, шоферт.

Советской патриоткатне аволь вест уш доказали родинантень эсест преданностест. Белофинянтненъ каршо бойтненъ читнестэ эсест самотверженной трудосот, боецтнэде заботасот, зардо жо те эрявкшносэ—то кедьсэст орудия марто лездасть сынъ врагонть громамо. Ламотненъ эйстэст Советской Правительствась наградил ордесэ ды медальсэ.

Советской Союзосэ ашти капиталистической окружениясо. Капиталонь мастортнэсэ омбоце не уш моли кровавой империалистической войнась. Кассь военной опасностэс минек масторонть туртов. Минь должны улеме свал анокт сенень, штобу громамсхот кодамо врагонть, кона снарты каявомс минек масторонть лангс.

Радостнойстэ праздновить мартов 8-це чинть социализмань масторонь счастливой, свободной аватне. Сын кучить пси поздоровт эсест зарубежной сазортнэненъ, конат бороцить капиталистической рабстванть каршо, империалистической войнанть каршо.

Весе народонть марто дейсэ советской аватне кемекстыть эсест масторонть мощензэ—весе мирэнь трудиятненъ отечестванть мощензэ.

Шугурова велесэ 22 од ломань, конат часть 1922 иестэ, тедиде сёксня кармить призываться Якстере Армиянь рядтнэс. Сын эсь прист ней уш анокстыть сенень, штобу улеме эсь родинанть достойной ванстыцякс.

Допризывниктне максызь ГСО-нь значок лангс норматненъ. Н. К. Пивкин,

А. И. Фадеев, Ф. И. Арапов допризывниктне получасть 3—4 оборонной значок эрвась.

Тазинской больницань фельдшерэсь Перышев ялгась аноктасть ГСО-нь 22 значкист.

В. Аношкин,

Б. Березниковской р-н.



# Истямо ульнесь авань уцяскась...

## Чачома кишинь ознома

Чачсь эйкакш. Эзть радова тетятне-аватне эйзэнзэ: сон ульнесь тейтерне. Но тейнемс а мезть. Тейтернень баба-зо тердсь кавто-колмо роднянь ават чачома кишинь ознома. Вана пугызь чачома кишинь столь лангс ды кар-масть чекамо:

— Касозо покшето, штердиакс-ко-дынякс, аванстань кедень поладыкс, пакся ки лангс якицякс, нуицякс-коч-кинякс, тетянстань кедень поладыкс, покштанстань-бабанстань карень-прак-стань пурныцякс, сельме-чамас понго-зо, мирденень пола улезэ.

Истя баславизь тейтернень пингень эрямо.

## Эйкакш пинге

Кода тейтернесь тусь сисемце иес, авазо пурнась штереть-пакарть, но-ковтызе тейтернень пря черде ды мерсь:

— Штерть! Цела орава эйстанк, мо-нень а орчавдадо.

Тейтернень мошья паргонзо мош-катнень ало—куклат. Те секс, штобу авазо илязо фаты куклатнень. Кода лисиль авазо ушов, эйкакшось кундыль куклатнень.

Штердеме тонадомонзо мейле авазо пексь коцт ды мерсь:

— На ней тонавтнек вишнемс, эс-тет панар вишнень, больше мон то-неть а вишнень.—Сялгизе коцтонень салмуксонть ды тусь вакстонзо. Кода мольсь тейтернесь аванстань, штобу сон неувелизе вишнень коенть, тона кучкордызе сонзэ, ноковтызе кедь-станзэ теветь ды ёртызе лисья лангс рудац потс. Тейтернесь таргизе рудазонть эйстэ коцтонть, муськизе ведь чиресэ, костизе ды томбизе. Мольсь шабрань авань кедьстэ превень кевк-стеме, энялгась икелензэ, штобу то-навтовлизе вишнемс.

Чоп сон аштесь Даря патынзо вак-со, сайсь превезэнзэ сельме виень маш-тыця вишнемань мудростень.

Мейлеяк, кона арцтонть а содыли-се, молил яла секе шабрань аванть кевкстеме.

Истя вана эйкакшось кассь ды то-навтнесь улеме самостоятельной ло-манькс семиясонть. Теде башка сонзэ карматнилизь сондензэ вишкине сазор-канзо ды ялакшензэ ваномо.

Весть те тейтернень саизь паксав вишка эйкакш ваксо аштеме. Сонзэ ульнесь мелезэ кандомс авардиця эй-какшонть аванстань. Кандомсто сон эй-какшонть марто прась жнива лангс. Чийсь авась ума пестэнтъ, каподизе тейтернень черде ды вырновтызе ве ёнов.

— На тетя. Омбонде эйкакшт иля правтне. Тон уш аволь вишкинят—си-семце иесат!

Тейтернесь авардсь, авардсь, нилизе обиданзо ды мейле мольсь аванзо вакс.

Седеяк стака эрсилъ тейтернень сюронь а чачома иетнестэ.

Тейтернень тетязо видсь паксав лик-ша. Сон васнякемевсь ломатнень уро-жаень максомасо. Но засухадонть лик-шась косысь ды ёмась. Кода сонзэ пурнызь ды пивсызь, теесв эйсэнзэ ансяк сюва. Пештизь те сюванть утомс товзюронь таркас. Те сюванть яжав-тызь ды юткозонзо човорясть маршт, конатнень пурнызь ки чирева, берек-ка, навоз ланга.

Кшись арась, пекенть вачодо а кирд-сак. Моли тейтернесь аванзо удалов ды пшкати:

— Авай, кши сусоко нать арась?! Авазо кепедсь лавужанзо ды маш-ветеманзо пачк сергеди:

— Ванат тетя кшись!

## Тейтеркс пинге

Сестэяк, зардо чачиль суро, яла те-ке вачочись, нужасо эрямось а кады-лизь те тейтернень семиянзо.

Чись пиди. Шказо обед ёнов. Тей-тернесь тетязо-аванзо марто нуить

Начаркин помещикенть паксясо. Сынъ сайнесь кедьстанзэ заем колмо пондт суро. Те шканть эсест сюронть чукась варма. Ды зардо сась очередь эсест сюронть нуеме, сынъ несть, што умаст лангсо ульнесь ансяк чаво олгонъ тенсть.

Братнэ жо тейтернень якильть робо-тамо донской казактнень.

Но сеть гроштенягак, конатнень туи-лизь роботамонь кис, савкшность мак-сомс подушноень пандомс.

Тейтересь роботакшность паксясо, тейсь тевть кардаз ютксо. Теде башка эрявсь лангс оршамс, штердеме, кодамс, вишнемс, стамс. Не тевтне а прыдо-вилить телень кувака ветнестэ, зардо лампань таркас цятордозь палсть чевть. Сюронь кочкоматнеде икеле шкастонть-как, зардо понгониль а покш ютк-шка паксянь роботатнень эйстэ,—тей-тересь кодыль, вишниль.

Чинек-венек, кизнек-телекек робо-тась тейтересь. Но тетязо яла теке покордась эйсэнзэ:

— Анок кшиде ярыця. Тейтересь сюва мешок. Сонзэ трамось—варма мелга парочинь нолдамс.

Семиянь лангс орчамотнень анокста-модо башка, эрявсь анокстамс одижа мирденень лисемстэ казнецкак.

Ансяк праздник читнестэ савкшность роботамс эсензэ лангс.

Не читнестэ жо сайль теесм тевть сюнав ломаненьгак, штобу хоть ала-мошка добовамс роботамонь кис мак-созь ярмактнень лангс мелкой наряд: паця, эргть, кумбрат, конатне эря-вилить пулаень, пангонъ теесмстэ.

Истя орчась тейтересь семиянь, эсь лангонзо, аноктась мирденень лисема-нень казнеть.

Ладямо чизэнзэ те тейтерентень савсь анокстамс казнецк 500 аршин коцт ды 30 панар. Лиякс жо а кода. Текень вант браковатадызь.

Но теяк условиясь эзь кадно спо-койс тейтеренть. Сонзэ религиозной авазо бажась тейтеренть максоманзо монастырев. Сон тень кис кортыль тейтерентень:

— Мазычись эйсэть арась. Мирде-неньгак а сайтдызь.

Но тейтересь стараясь невтнемензэ эсь паро ёнксонть роботасо.

Тейтересь вечкиль морамо. Пек уль-несь мелезэ лисемс ульцяв, морсемс ялга ютксо, но авазо яла эссе нолтне. Ансяк салава, косто-косто, савкшность лисемс тензэ ульцяв.

Тейтерентень топодсть 20 ле. Савсь тензэ таргамс лажамонь вайгель.

## Лажамонь вайгель

Икеле трудия тейтерь-аванть ара-сельть кодаткак праванзо аволь ансяк общественной эрямосо, но мик семия-сонтькак.

Седеяк стака ды прававтомо эрямо учос тейтеренть мирденъ кедьсэ, пур-гинень кондымо атявтонть, пшти ёндо-лонь кондымо ававтонть семиясост.

Састь лия велестэ асодавике ломать, ладизь тейтеренть. Тетятне-аватне сень таркас, штобу кевкстемс, моли а моли тейтерест, кудостояк ливтсызь.

Секскак «моро вайгелень» таркас таргавсь «лажамонь вайгель»:

Мезе учан мезь ванан, Мезень седейсэ мон аштян, Кодамо мельсэ мон кирдян?

Грудем пешкес горядо, Чамам пешкес сельведте.

Нарт нарыясть потмозон, Кевть кевензаст седейзэнь.

Сетне нартнэнь прелятнян, Сетне кевтнень солавтиян:

Секс а таргави вайгелем, Секс а ёвтавить валыненъ.

Тирень тетям, шкинъ тетям, Кода сэрэм покордавь,

Кода лемем досадысь.

Тиринь авам, шкинъ авам Башка вальмас явимем, Башка цюланс пекстынем, Кона вальмас пиземевтеме аварди, Вармавтомо чикорды, Пиже чекеръ саизе, Сэнь качамо артызе.

Сонзэ пачка а чи валдось

ваннокшность,

А ков валдо токшекшность—

Тиринь тетям праздниктеме

празднов:

Пурнынзе чачи роднянзо.

Тейтерь беседа монень сась,

Сынст куншказост мон арынъ,

Моро вайгель мон таргинъ—

Вайгелесь таргавсь лажамонь,

Валтнэ ёвтавь сельведте:

Парыякай, мезень чудат ёвтнетян,

Мезень диват ёвтнетян:

Кода молинек матранъ пареть икелев,

Пареть лангсо чалгадо

Сырежди мазы нармушка.

Мерян голубь—а голубь,

Мерян шекшей—а шекшей,

Мерян макшей—а макшей.

Парыякай, тонъ боявксчись,

тейтерьксчись,

Азоравакс мазыксчись—

Поксортгавтозь толганзо,

Почакавтозь пухонзо,

Либортгавтозь сёлмонзо;

Килейкс кольги, аварди,

Веднекс чуди, нирежди.

Либорт ливтась, либортгась,

Крышкинентень сон чалгась,

Тараткентень сон поводсь.

Тосто, дугай, тандавтызь,

Седейнэнзэ ведь сезезь.

Кенкш пиринес сон чалгась,

Кирмалавиекс соң педясь

Тосто, дугай, тандавтызь,

Нимилявиекс сон ливтась,

Тонъ пиринес сон чалгась,

Ней керямнезэть сон кундась.

Парынем, дугинем,

А кувать кадовсь боявксчить

васькавтомс,

Азораваксчить кольневтеме.

Тейтеренть саизь мирденень лия ве-лев. Сон паряк еще эзь пачкоде мир-дензэ кудос, а уш крестной авазо со-вась родной аванстань ды мери:

— Кума, пря безарьксэть ильтивсь меря?

## Мирденъ кедьсэ

Мирдензэ кудос пачкодемадо мейле, одирьвась сеске кундась тевс.

Валскенть сти, зардо ававтось ды атявтось еще удуть. Кери пенгть, кан-тни ведь, уштсь кудонть ды лиси кар-дазов скотинань андомо.

Мезесь а туи атявтонзо мельс, кая-ви сюдомасо, покордамасо урванзо лангс:

— Тон аволь мазычинть кис сазят!

Ды таго роботы урвась апак корта, обидань кекшезь.

Проми семиясь обедамо. Урвась васня андсыне цёратнень, кадови эс-тензэ мезеяк—пори, а кадови—коршни салведте.

Теде башка сонзэ лангсо ульнесь еще ламо обязанность.

Эрявсь тензэ оршамс атявтонъ семи-анть, муськемс-човамс эрвейкентень. Коть кодамо якшамоне, буяне савк-шность модемс ведь лангов анксемас муськеме. Чоп тардилъ эй лангсо.

Муськемстэ самодо мейле эзть мерне тензэ натой эжнемсак. Атявтось сеск сергеди:

— А скотинатне мекс апак симдя!

Атявтонть кудос эрясь кото иеть. Те шкастонть кежей атявтось ламоксть каякшность сонзэ мирденъ лангс ся-го марто, узере марто. Аволь весть кройсь эрва кодамо валсо роботыця урванзояк.

Секскак сыль одирьвась тетянъ ку-дов ды авардилъ:

Ятсо эрямось, авакай,

Эзъ тук, эзъ тук мелезэнь.

Ятонъ тетясь прок ногой,

Ятонъ авась прок палач.  
Ятонъ семиясь пупи гуень кондымо.  
Удало пельде, авакай,  
Дразнить мазы уставнем,  
Каршо ёндо, авакай,  
Пейдсызь мазы чачинем.  
Бойка якать—пек бойкат,  
Састо якать—нурякст,  
Пейдзеват—нузякст,  
Пейдзеват—дуракат,  
Потмургадат—кежеят.  
Ятсо эрямось, авакай,  
Стяд(о) удомань удома,  
Яказы пекень пештема.  
Ятсо эрямось, авакай,  
Эрвейкентень кедь пенесэ палкинян,  
Сынст васькамо таркинян.  
Емась-вальмась, авакай,  
Одето монсинь пиринем!

Весть атявтось сась кудов иредьстэ, варштась конянзо алга цёранзо лангс ды сергедсь:

— Вон монъ кудосто! Нейке жо!

Истяк и савсь аванть тусемс мир-дензэ ды кавто эйкакшонзо марто шаб-рас. Атявтось меныгак доля хозяйства-стонть эзь яво.

Мик аванть приданноензэяк эзинзэ максо. Эрямо парензэяк эзизе максене.

Мейле авась мирдензэ ды эйкакш-кензэ марто тусть паксав ды тейсь балаган. Те ульнесь сынст эрямо ку-докс.

Кудов апак сакшно нуить сюпавонь ума лангсо—истя ярысь. Прыдовить те сюпавонть нуеманзо, сынъ балаган-нэж ютыть лия сюпавонь ума лангс.

Беднойчись, нужасо эрямось молюсь пильге следгаст Великой Октябрьской Революциянь самс.

Истямо ульнесь эрямо кизэ капита-лизмань пиягстэ народной певицанть Ф. И. Беззубовань.

Ки мог се шкастонть арсеме, што те уре авась, конась ятсто-чужойстэ тетянъ кудов самодонзо мейле лажамо вайгелсь, валсо ёвтнесь эсь прянь ёмамонзо,—тарги олякс чинь вай-гель? Икеле теде арсеме эзь савкшно.

Советской властень марто вейсэ сась аванть счастливой эрямоськак. Ней оля вайгелсьэ моры Фекла Игнатьевна счастливой, зажиточной эрямонть, минек свободной мастордонть, косо авась получась цёранть марто вейкетъ прават.

Од пингесь паро—

Кода а морамс,

Те пингесь паро—

Кода а ёвтамс,—

мери Фекла Игнатьевна Сталинской Конституциянь чинть ало.

Ней тейтерь-аватне, колхозницатне мельс пародо пешкедэз лиссть колхо-зонь паксав роботамо.

Анканъ звенанъ тейтертнень—

Нете комсомолкатнень

Мастор гайги моросост,

Менель зэрни вайгельсэст.

Паксав лисить гайть моразь,

Паксянь нармунть сыргозтитъ.

Фекла Игнатьевнанъ валтнэсэ совет-ской тейтерь-авась терди весе мастор-тнэнь трудиятнень:

Адыдо, братны, минек масторов,

Минек масторсонть эрямось паро,

Сторонасонок оля, весела.

Минек масторсо Ульян панд(о) ули,

Се пандонть прясо оля поляна

Се полянасоить пижине луга,

Се луганть лангсо лиси лисьямпря,

Вай, сиякс лиси лисьяманть ведезэ.

Се лисьяманть кругом мазы сад касы,

Вай иезэнзэ колмо раз цвети,

Вай иезэнзэ колмоксть кенерети,

Ашо цветсэнзэ мастор ашолды,

Маз умарьсэнзэ мастор мазолды.



# ТВОРЧЕСКОЙ ТРУДОНЬ РАДОСТЬ



СНИМКАСОНТЬ: Мордовиянь велень хозяйствань передовикне — М. А. Аверкина Кочкуровской райононь Куйбышев лемсэ колхозонь доярка ды О. А. Шленнева Ромодановской райононь «Новый быт» колхозонь звеньевой.

## Касома

Кода ансяк лиссь светс «ВКП(б)-нь историянь краткой курсось», республиканской библиотекакн комсомолкась Ермакова сеске жо кундась сонзэ тонавтнеме. Тонавтнемстэнзэ ловнось ламо художественной книгат. Ней сон тонавтни Краткой курсонь меельсэ главнать.

Партиянь историянзо тонавтнемась лездась Ермакова ялганть касомс производственной роботасояк. Мелят сон роботась книгань обработкань цехсэнь, ней жо — книгань максницяк. Лиясто сакшныть библиотекас истят ловныцят, конат а содыть мезе тенст саемс ловномс. Ермакова ялгась кевксинзе кодамо тема сынст сех пек интересует ды муи сынст паро книга.

К. Кудрякина.

Саранск ош.

## ТОСЯ ОРЛОВА

1929-це иестэ васенцеде Кочкурова велес сась кино. Школась тыц пешкедсь ломанде. Весе седейшкава дивасть те чуданть. Ды кода а дивамс?! Ки икеле экран лангето некшнесь ломать, конат буюксевельть, киштевельть ды кортавольть, прок живойть. Кинов аванзо марто сась кеветее иесэ тейтерькась Тося Орловак.

— Кода истя тейсызь? — кевктнесь сон аванзо.

Но авазо сонсыкак эзь сода.

Истяк и те кевктнемась а чарьколевиксэе кадось Тося Орловань. Ды ансяк 1934 иестэ, зардо сон сась роботамо Союзкинопрокате, чарькодизе кинонь секретэнзэ. Секе иестэнь жо совась комсомолс. Орлова чалгась келей, валдо ки ланге.

Роботань васень читне марявель тензэ сех кувакакс весе эрямосонзо. Тевесь интересной, но тей варшты — мезеяк а соды, тов — мезеяк... Истя ульнесь се шкастонть, зардо Тося роботась монтажной мастерскоень ученицак. Сестэ сон ансяк кино-журналт проверясь, кинокартинань проверямо еше эзь мацто.

Но Орлова ялгась кувать эзь кирде техникань а содамонт коровзо. Сон ванкшнось производствань весе «мелочтнень», тонавтнесь сыре рабочейтнень опытст ды чиде-чис кась.

Кото иеде теде икеле Саранскоень хлебокомбинате сась роботамо кемсисемге иесэ тейтерька. Специальностезэ кодамояк арасель, образованиязояк вишкинелъ.

Те ульнесь Клавдия Догоева.

— Ну, мезекс жо тонь аравтомс, — кортась мартонзо директорось, — уборщицакс ули мелеть роботамс?

Клавдия согласясь ды кармась роботамо. Теке жо иестэнь мартонь 8-це чистэ дирекциясь максь тензэ премия вадрясто роботамонь кис. Седе мейле аравтызь сонзэ ученицак. Роботась пек тусь мелезнзэ. Апак вано сень ланге, што машинатне эзь сатно, сон норманзо свал топавтнесь велкеска. 1935 иень декабрысто Догоева ялганть кучизь промхлебопечениянь ФЗУ-с курсов. Тосо кото ковт тонавтнемась ламо максь Клавдиянень. Тосто самодо мейле сон кармась роботамо лаборанткакс. Сонзэ сех покш тевезэ — проверям чачаксонть качестванзо. Вест истя сон кармась проверямо ды чачаксонть мусь чаво салмукет. Кармась

## Лаборантка

кевктнеме, кие те чачаксонть ичизе. Вредителесь музель. Те ульнесь Ковалев. Бдительностень кис Догоева Клавдия таго премировазель.

Мелят Клавдия ормалгась. Комбинатонь весе рабочейтне родноекс мелятсьтэ кисэнзэ. Дирекциясь тензэ максь путевка курортов. Курортсонть леявсь ды сась вадря шумбрачи марто.

Седе мейле сон седейк пек кармась вечкеманзо производственной роботанть. Свал вети виде технологической процесс. Уш сон берань качества марто кши а нолды! Те иестэ отличнасто прядызе вечерней семилетканть. Эрва чистэ ловны газетат, журналт, тонавтни «ВКП(б)-нь историянь краткой курсонть», весемезэ тонавтнесь кемень глават.

— Мон вечкса тонавтнемс коммунистической партиянь историянзо, — корты Догоева ялгась, — коммунистической партиясь ды Сталин ялгась максьтень валдо, счастливой эрямо.

П. Саля.

Саранск ош.

## Живой ломатнень кис забота

Минек фабрикань врачебной пунктсонть весе медицинской работникне — тейтерь-ават. Сынь врачебной пунктонть роботанзо аравтызь истямо ладсо, што сзредия рабочеесь эрва шкасто может получамс лескс. Чить сзредиятнень прими пунктонь заведующеесь, фельдшерезь, веть — дежурнойть, медицинской сестрат. Сынь эрва шкасто анокт максомс лескс несчастной случайтнень пингстэ.

Теде башка эрва цехсэнь организоваз санитарной пост.

Медицинской сестратне ветить покш профилактической ды санитарно-просветительной робота рабочейтнень общежитиясост ды квартирасост. Аватнень ютксо ютавтнить беседат эйкакшонь воспитаниядо, скарлатинань ды лия

орматнень леямо. Организовать ГСО-нь 1-це ступенень 3 кружокт, конзонь совасть домохозяйкат.

Лиясто сакшныть врачебной пункте «сзредият», кодамо Лукошева. Улко сась тень и мери: «Прям ды пекем сзредить». Мон кавалалонзо путынь градусник. Температуразо ульнесь нормальной. Пеке ормадо сёрмадынть рецепт ды венстия тензэ.

— Те мезе? — кевктимем монь.

— Рецепт, — отвечинь монь.

— Монень эряви аволь рецепт, — бюллетень! — ёвтынзе потсо валонзо.

Истят «сзредиятнень» марто минек медицинской сестратне эрсить бдительнойк.

Л. Горшенина.

Саранск ош, Котонинной фабрика.

## Вечкевикс учительницат

Шугуровской средней школань тонавтипянтне вечксыз А. И. Коробова ды Г. Г. Маланина учительницатнень еше сень кис, што сын покш мель явкшныть школасо перерывтнень культурнасто организовамонть.

Кодак звонок перерыве, сын сеск

лисить залс налксемань организовамо. Весе налксематне аравтоз учебно-воспитательной цельтнень: тонавтипянтне налксемстэ решить головоломкат, ёвтнить стихотвореният, загадкат ды лият.

Ф. Пивкин.

Б.-Березниковской р-н.



Зубово-Полянской райононь Ворошилов лемсэ колхозонь конюхось-стахановкась А. Чадайкина. комсомолкась.

## Авась колхозсо — покш вий

Мелят тунда комсомольской собраниясо толковазель вопрос комсомолетнень участиядот видеманть аноктасомонть. Зарья «белоручкат» кортасть: «Секс рази прядынек семилетканть, штобу лишме удалов модемс...» Неть «белоручкатнень» пейдинзе эсь выступлениясонзо од комсомолкась Нюра Чадайкина. Сон секе собраниясонть жо сайсь мель улемс конюхокс.

— Лишме пистидиязат, — кой-кить кортасть тензэ.

Но Нюра эзь вано неть пейдематнень ланге. Тусь роботамо колхозонь кардайс. Сон тейсь парт условият лишметнень упитанностест вадрылгавтоманть туртов. Иень перть кастась 28 вашо. Эрвась эйтаст ванькс, справна ды бойка. Чадайкина ялгась явозь велень хозяйствань Всесоюзной выставкав участникекс киндидатокс.

Вадря роботань кис ВСХВ-нь Главной Комитетась сонзэ казизе Сиянь вишка медальсэ. Н. Кириллов.

Зубово-Полянской р-н, Куйбышев лемсэ колхоз.

## Семейной эрямонь счастья

Коллективизациянь шкасто, зардо мон ульнинь тейтерькс, тетям, монь апак кевктне, чиявтыксалимем Батькин кулаконт цёранзо эхкс.

— Эх, и мирде теть муинь, тейтернем, — корты сон монень, — мельницят улит, кардазсо ревест шёткасо а лововить. Кода а модемс никс Батькин Арсейнень?!

— Арась, — чапозь чапия тензэ, — те тевентень зардоик а улемс! Весе сынст парочист добовазь беднось верьсэ, ливезьсэ. Эсь олясон лисинь мирденень Табункин пастухонт эхкс.

Батькинть жо пеень порезь грозясть тетянь-авань эйсэ ды эрва кода кенгелясь минденек. Но те эзсе калавто семейной эрямонок.

Кеменце не вейсэ эрятано ды пародо башка мезеяк эзинь не эрямоносты. Сон роботы колхозной мастерскойсэ, мон жо — колхозсо. Свал лезды тень кудо-ютконь тевтнесэ, эйкакшонь ванома. Тонавтымим сёрмас содамо.

Ваны авам эрямонок ланге сельмень савадозь ды горты:

— Счастливойть неень пингень аватне. Эрва косо тенст панжозь келей кить. Истямо эрямо мон седикеле онсо-як эзинь некшне.

Е. Табукина.

Игнатовской район.





Мартонь 2—3-це читнестэ Саранскойсэ ютавтозельтэ республиканской лыжной соревнованьят.

**СНИМКАСОНТЬ:** Добровольной спортивной «Спартак» обществань членэс Дуся Маслова, кона саизе республикасонть аватнень ютксо васень тарканть. Фотось А. Кочинень.

## Райактивень собраниясто

Нетъ читнестэ Ардатовасо ульнесь ютавтозэ районной комсомольской активень собрания, косо толковазельтэ Якстере Армиянь XXIII-це годовщианть лемсэ лыжной комсомольской кроссонть итогтне.

ВЛКСМ-нь райкомонь секретаресь Пронин ялгась эсь докладсонзо тешктызе сень, што кроссонь ютавтомадонть задачатне районной комсомольской организациятненень целанек эзть топавтово.

Кроссонь весе 1.089 участникнестэ комсомолентнаде ульнестэ 667 ломань, конатнестэ ГТО-нь значоконть лангс сокссо якамонь коряс норматнень макссыз аныак 362 ломань.

Эряви тешкстамс, што зярыя первичной комсомольской организацият кроссонть невтеть вадра дисциплинированность ды сокссо якамонь а берянь мастерства. Истямокс лововить НКВД-нь райотделениянь организации, Баева велень «Ударный» колхозноенсесь. Весе примасть участия Ардатовской неполной средней школань комсомолентнае ды лият.

Недисциплинированнойкс ды неорганизованнойкс прят невтизь педучилищань, механизаторской школань ды средней школань комсомолентнае. А вана Чукало велень, райзонь, горсоветнень ды Кельведни велень комсомольской организациятне вейкеяк лыжник эзть кучне кроссов.

Комсомолонь активень собраниясь тешкстась зярыя практической мероприятия спортивной ды военно-физкультурной роботанть седе тов вадра гавтоманзо коряс.

А. Иванов.

## Самодетельностень вечер

Чамзинкань средней школань тонавтницятнень самодетельной кружоктне парсте анокстазэ вастызэ международнои коммунистической авань чинть. Мартонь 8-це чистэ сынх художественной самодетельной вечерэ выступили интересной ды разнообразной программарто.

А. Симдянов.

# Героинят

Катя Андреева марто минь вейкенек вейкенек карминек содамо войнань васенце читнестэ, но яркой впечатленилнть, напряженной маршонт ютксо минь аламо явнынек мель хлебопекарнянь, автомобильной-колоннаны, госпиталень ломатнень лангс.

Декабрь ковонть прядовомсто минь таго маринек Катян лемнестэ. Легковой машинань шоферэсь, конань марто минь удынек госпиталень банясонть, пек пеняцясь сень лангс, што не может модемс эсензэ отрядонтень, сонзэ эйсэ жо тосо учить.

Минек шоферэсь, храбрэсьсэ ды весельчакось Николай Платонов, мерсь сонензэ:

— Чудак, месь тын истя мелявтат? Натъ аволь яла теке, кодамо отряд марто воёвамс! Войнась—эрья косо.

— Эрья косо сон, нама, эрья косо, аныак аволь эрья косо ули Катя Андреева.

Штабсо Курдюмовонь пельде минь таго маринек Катя Андреевадо. Командармось кортась миненек тейтеренть, полевой хлебопекарнянь фельдшеренть подвигтензэ. Нурькине сводкасонть, кона штабсо примазь радио велде, ёвтась: «Вирьсэнтэ осажденной гарнизонсь лиссь окружениясто. Авась—военфельдшерэсь кепединзе землянканестэ ранязтнень, арась икелест ды боевой сеерема марто, эсензэ отрядонтень командовазэ, ливтинзе ломатнень маласо аштиця лагерентень».

— Вана кодат минек ломаненек, вана киде эряви сёрмадомс!—мерсь командармось.

Но аныак мейле минь карминек вадрысто содамо Катя Андреевань историйанзо, Калининской областень, Новоторжской райононь простой тейтеренть-колхозницанть историйанзо. Белофинтинань каршо войнадонть икеле медицинский техникумонть прядозь, сон сась райвоенкоматов ды энялдсь сёрмадомс сонзэ доброволецэсь действующей армиясь. Комсь иесэ якстере чама тейтерэсь неавсь эсь иензэ коряс пек седе одокс. Документэнзэ ванномадо мейле, сонзэ примизь армиясь. Ды вана Катя уш походсо. Хлебопекарнянь фургонтнань марто, сень лангс досадывозь, што савкшны усовоме косо-бути обозсо, сон ялгатнень марто капши эсензэ частенть мельга ды сасызе сонзэ вирьсэ сеть читнестэ, зярдэ боецтнэ сэрей лов потсо, виев якшамосо ветясть кровопролитной сражения финской отряднань каршо.

Тесэ сон слухонт вельде тонадсь отличать финской автоматической карабинанть леднеманзо минек пулеметонь очередент эйстэ, кармась содамо, кода эряви ветямс эсь прятнь леднеманть ало, тонадсь маскировамо, юнемс ловонь пандынетнень трокс, леднемс винтовкасто ды эрямс боевой эрямосо, кона пешксе тревогадо ды опасносте.

Пекарнясь тапазь финской минометнань толсост, ды Катя—те пекарнянь уш аволь военфельдшер, конань обязанностекс ульнесь ванномс санитарной порядоконть, походной хлебопектнень ваньксчист ды опрятначист мельга. Лия обязанность путозь сонзэ лангс. Сон тейни перевязкат ды натой операцият ранязтненень, анды эйсэст, успокаивает. Зярдэ землянканестэ якшамо ды виев пенгень кис молемась эрямонть

туртов опасной, Катя ды санитарось, салава, веть молить виев ды кереть снарядсо юрга сявордозь чувтнень. Мейле сынх лазносыз пачк кельмезь цюркатнень, ды качамов толбандятне эждить ранязтнень.

Катя беряньстэ содасы военной теветь, седе виде, сон сонзэ а содасы овси. Весемесь тесэ сонзэ туртов од, аволь обычной, апак сода. Но сон бойкасто тонады боевой эрямонь стакатненень, ды сонзэ мужествась, выносивостесь, самоотверженностесь теветкши примерэкс. Вездэ аволь эрьвась аноксто печтнесынзе лишениятнень ды опасностнень! Но смелой—ды текенень жо секте од—Катя ашти ламотнень турвто мужествань образецэкс. Те храброй тейтеренть лангс ванозь, бодройгалесть сизипятне, кепсест прят нусмакодзтне.

...Вражеской окружениястонть лисинек веть. Врагонь кольянть сезинек «ура» сеерема марто. Катя Андреева молись икеле, ды сонзэ вайгелезэ гайгсь якшамо вирьсэнтэ ды взрывтнень зэртсэнтэ, ружиясо леднемань пакштордомасонть.

Алексеев майорось ветясь эсь отрядонзо аволь киява, аволь ловонь кандовкстнэва теветезь лыжань следтнэва, но целинава, седе виев пачк.

Кемсисемге часонь перть якшамосо, лов потмова, кельмезь седе виев пачк молись бой марто те отрядось, ды Алексеев майоронть марто ряде молись Катя, кона тейнесь яннэть ранязтнень ды лавшомозтнень туртов.

...Минь повнятадо фронтонь ламозамечательной ават. Раужо сельме пек вадра украинкась Варя Андриенко работась дивизионной газетань корректорокс. Сонзэ мирдэзэ—артиллерист—сражалась велинэть эйстэ аволь васоло, конань пултызе противникесь, косо аштесь газетань редакциясь. Варя походной эрямонь весе стакатнень ды трудностнень пачтась боецтнень марто вейкетэсь. Зяроксть ашолгадама ланга минь сонзэ нексининок лов лангсо матедезэ, пек виев якшамонть эйстэ кукорьгадовозь.

Зярдэ леднемань толонт ало эрякшнос пачтнемс боеприпаст или пеккиське лангсо модемс окоптнес боецтнень туртов—пси ярсамопель марто котелоктнень марто яксесь Варя. Комсезь ладсо, сон чийнесь вандолдыця трасирующей пулянь пиземэть ало. Заданиянтэ топавтозь, смелой авась велывтнесь мекев, ды сонзэ раужо сельмензэ читнестэ спокойной мызolkcсо.

Свал, фронтонь весе читнестэ, дивизиянь коряс ялгатне неилизь Варя Андриенконь бесстрашной боевой ялгакс.

Финской артиллериянтэ залпнень частнестэ, зярдэ командованиясь приказкшныль кекшнемс блиндажтнес, аватнень землянкастост марявэть морот. Морасть «Дан приказ ему на запад», «Раскинулось море широко», «Где же ты, моя Сулико» ды лият. Варя обычна ушодыль украинской морот. Сынтэ марилизь минек стрелоктне, конат маднелзельт ловов окоптнесэ, сынтэ марилизь минек минометчиктне ды артиллеристнэ. Радостна тейневсь седейсэнтэ, кассэ бодростесь, седейяла пек кассэ вийтне ды бороцамонть упорствась...

## Международной коммунистической авань чинть честьс

Ардатовской райононь школатне парсте аноктасть международной коммунистической авань чинтень—мартонь 8-це чинтень. Райцентрань средней школань драматической кружокс те чинтень аноктасть пьеса, декламацият, хоровой кружоконь члентнэ тонавтнестэ од морот.

Те школосонть 35 тонавтницятейтернеть занимаются противовоздушной противохимической оборонань кружоксо. Мартонь 8-це чинть честьс сынтэ эйстэ ламотне максызь ПВХО-нь значоконть лангс норматнень.

Ив. Антонов.

## ТАСС-нтъ опровержениязо

Иностранной печатьсэнтэ нолдтневить кулят, што СССР-сь потребовал Румыниянтэ пельде максомс Черной морясонть сонзэ военно-морской базатнень.

ТАСС-нтень максозь полномочия опровергнутъ нетъ сообщениятнень, конат аштити вымышленнойкс ды нелепойкс.

## Норвежской торговой делегациянтэ самозо

Мартонь 7-це чистэ Московов сась норвежской торговой делегациясь истямо составсо: Норвегиянь торговлянь министрась Йоганнессен господинэсь, норвежской государственной банконь правлениянь членэсь Лаллум господинэсь ды генеральной консулось Ваннаг господинэсь.

(ТАСС).

## Зарубежной печатесэ английской судоходствантень угрозадонть

«Мессаджера» итальянской газетась передовой статьясонзо, кона озаглавленной «Од подводной войнысь», невтн, што меельсь шкастонтэ подводной флотонь атакатне примасть од формат. Башка значения макснечи самолетнень ды подводной лодкатнень вейсэнь действиятнень. Подводной лодкатнень атакаст каршо защитась сюлмавозь покш трудность марто. Эряви ловомс, што Англиянтэ улит аволь ламо конвоирующей судназо. Сонзэ улит примерна 150 эсминцеэнзэ, конатнестэ малав 50 аштити Средиземной морясонть. Секс англичантнень савкшны составлять каравант, конат занякшныть зярыя мильяс морянт лангсо тарка, мезесь теветни пек вадра условият подводной лодкатнень действият туртов.

Американской печатесэ чистэ чисе седейяла пек кеместэ тештетни, што германской подводной лодкатнень операцияст аштити эськат секте серьезной опасностекс, конань икеле ней ашти Англиясь. Печатентэ сведениянзе коряс, английской торговой флотонть ёмаксонзо ней уш аравтнесызь угроза алов Англиясь американской материалтнень кучнеманть.

Американской правительствась неень шкастонтэ ванкшны предложения седе, штобу американской кораблятне конвоировавольт английской парохотнень Атлантической океанонть трокс кинть кавто колмоцекс пельксэнзэ таркас.

(ТАСС).

## Болгариянтэ коряс англо-индийской правительстванть яволявтомазо

Рейтер агентствась пачти, што Индиянь правительствась публиковась яволявтома, конань коряс Болгариясь карми ванкшновомо прок неприятельской территория.

(ТАСС).

## Таинть ды Французской Индо-Китаентэ ютксо переговортнэ

Домей Цусин агентстванть сообщенианзо коряс, Таинть ды Французской Индо-Китаентэ ютксо конфликтэнтэ регулировамонзо коряс ковонь перть молиця переговортнэ фактически прядовэть. Од пограничной линиянтэ, кона яви нетъ мастортнень, аравтсь пограничной комиссиясь.

(ТАСС).

Ответ редакторось А. ЩЕГЛОВ.